

# LE SAINT PROPHÈTE MOHAMMAD

(صلي الله عليه وسلم)



Publié par

JAMAAT UL SAHIH AL ISLAM

SIRAJ MAKÎN

## SOMMAIRE

Préface .....	3
Introduction .....	4
Quraïsh .....	5
Hashim .....	5
Abdul Muttalib .....	5
Abd'Allah et Amina .....	6
L'apparition de celui ki fine être béni d'Allah .....	6
Date de so naissance .....	7
Période de lactation .....	7
Voyage à Madina .....	8
La garde du petit Mohammad (saw) confié à Abdul Muttalib .....	8
La garde du petit Mohammad (saw) confié à Abu Talib .....	9
Voyage à la Syrie .....	9
Qualités du prophète dépi so tendre enfance .....	10
Participation dans bataille de Fijar .....	10
Traité de Fudul .....	11
Travail pour le compte de Khadija (ra) .....	11
Mariage du saint prophète (saw) avec Khadija (ra) .....	12
Reconstruction de la Ka'aba .....	12
Rencontre avec bane monothéistes (bane ki prié ène sel Dieu) .....	13
Mission comme Prophète .....	14
Abu Bakr (ra) accepté l'Islam .....	15
La vie familiale du Saint Prophète (saw) .....	16
Bane batailles .....	19
Caravane Abu Sufyan .....	19
La bataille de Badr .....	19
La bataille d'Uhud .....	20
Persécution bane Da'i .....	21
La bataille du tranché .....	21
Conclusion .....	21

## PRÉFACE

Dans le cadre du Seerat-Un-Nabi (saw) – Le Caractère / Conduite du Saint Prophète de l’Islam – L’aile féminine de la Jama’at Ul Sahih Al Islam, bane « **Siraj Makîn** » (*Flambeau ferme et Influent*), éna le plaisir pour présente à bane lecteurs en générale ène aperçu de la Vie du Bien-Aimé Prophète d’Allah, Hazrat Mohammad (saw).

Jamais nous pas pou capave fini cause lor la grandeur du Saint Prophète Mohammad (saw), mais li nous devoir comme bane membres de so Oummah pour cause lor celui qui fine être la lumière de conduite excellent parmi tous bane Prophètes et dimoune de la terre.

So la vie, so bane manières, so caractère, tous ça là nous bizin réfléter ça dans nous-mêmes, ki li pour madames, filles, missiés ou garçons. Sakaine parmi bane membres de so Oummah éna le devoir pour prend so l’exemple comme ène guide pour dirige so propre la vie d’après bane limites ki li fine établir par la révélation ki vine de côté d’Allah.

Allah dire dans le Quran :

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْ  
جُوا اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا

*« Ou fine gagne dans Messenger Allah ène exemple parfait, pou celui qui mette so l’espoir en Allah et dans dernier jour et qui rappel Allah beaucoup. » (33 :22)*

Donc, en mettant en pratique so bane façons de faire, et aussi celui ki li fine enseigne so bane madames à travers bane instructions d’Allah, alor nous bane madames et bane filles ki trouve nous-mêmes dans so Oummat, nous bizin prend conscience ki nous bizin cultive ça bane excellent manières et l’enseignements ki nous Bien-Aimé Aka Hazrat Mohammad (saw) fine montrer nous.

Avant toute chose, nous bizin cherche l’aide d’Allah ; et ki pli meilleur façon pour rode l’aide d’Allah à parte Namaz et Zikr Allah couma l’Islam fine prescrire pour nous ?

**Louanges à Allah, et la paix et bénédictions d’Allah lor le Sceau des Prophètes Mohammad (saw) !**

**Fazli Amena Varsally**

*Sadr Saheba Ummoul Momèneen*


**Jamaat Ul Sahih Al Islam Siraj Makîn**

*12 Rabi’Ul Awwal 1430 A.H*

*10 Mars 2009*

# INTRODUCTION

## LIGNÉE DE HAZRAT MOHAMMAD (SAW)



Là nous fine gagne ène bref aperçu lor descendants de nous bien aimé Prophète, Hazrat Mohammad (saw) prend depuis Hazrat Ibrahim (as). Hazrat Mohammad (saw) li lor 70<sup>ème</sup> génération. Allah fine arrache faveur de l'apostolat avec bane Juifs et guette kot Li fine envoye So bénédictions du moment ki bane Juifs zot fine gagne ça l'habitude là pou renier bane Prophètes d'Allah. Ça li ène principe d'Allah kot à chaque fois Li envoye So Prophète ène place et ki zot renier li, zot moque de li, et persécute li, définitivement Allah pas pou hésiter pou enlève ça faveur là de ça peuple là et pou donne ça ène lotte peuple ki assoiffé pou gagne le message d'Allah et ça pou continuer jusqu'à le Jour du Jugement.

Hazrat Ismail (as) ti éna 12 garçons ; zot noms mentionné dans le Torah. De là ki fine éna la descendance jusqu'à fine arrive la naissance du Sceau des Prophètes Hazrat Mohammad (saw). En bref Hazrat Mohammad (saw) li ène descendant d'Adnan.

## QURAÏSH

Le Saint Prophète (saw) li appartenir au tribu de Quraïsh, ene tribu bien honorer et distinguer ; la personne ki fine donne le nom de Quraïsh à ça tribu là ti appelle Nadr ibn Kinâna. Après Nadr, c'est Fihir ki fine vine populaire et influent et après Qu'sayy. Dans l'époque de Qu'sayy, Hulail Khuza'i ti en charge de la Ka'aba. Qu'sayy ti marié avec tifi Hulail qui ti appelle Hubba. Hulail fine faire ène testament kot li fine dire ki après so la mort, c'est Qu'sayy ki pou prend la charge de la Ka'aba. Donc Qu'sayy fine réussi gagne ça place honorable là et li fine faire ène Salle de Conseil dans la Ka'aba ki appelle *Dar Al Nadwa*.

## HASHIM

Hashim fine faire so travail merveilleusement ; sans reproche ! Li fine fourni de l'eau à tous pèlerins ki vine faire Hajj. Li fine arrange bane tanks avec la peau près kot puits Zamzam et Mina. Li fine développe commerce avec l'autorisation de Meradius, l'empire Romain de l'Est et kot zot pas éna pou paye aucaine taxe. Même faveur li fine gagné avec le Roi Négus d'Abyssinie. Donc, bane Arabes, kan zot alle faire zot commerce à Yémen, la Syrie et L'Asie mineure, zot gagne ène l'accueille chaleureux de Héraclius. A ça l'époque là, en Arabie pas ti éna aucaine sécurité lor bane chemins. Hashim lerlà fine alle faire beaucoup de traités de paix avec différents tribus coumsa, ça donne bane garanties de sécurité à bane caravanes de bane Quraïsh. Bane Quraïsh zot aussi zot promette ki zot pou faire commerce avec ça bane tribus barbare là. Le vol ti bien commun dans ça l'époque là, après ça bane traites de paix là, fine impé en sécurité. Ène jour ti éna la famine à Makkah, alor Hashim ti distribué la soupe et bane morceaux du pain écrasé à bane Mecquois gratuitement. C'est à coze de ça ki zot appelle li Hashim qui vine du mot arabe '*Hashama*' qui veut dire 'écrasé'. *Hashim* veut dire 'Celui ki écrasé'.

Ène fois Hashim ti alle dans ène la foire en Syrie, et li ti éna pou passe par Madina. Là-bas aussi ti éna ène la foire de commerce, kot li alle trouve ène madame qui sorti d'ène grande famille noble et ki ti intelligente et charmante. Li fine prend renseignement lor ça madame là – li sorti de la tribu Banu Najjar et li appelle Salama. Hashim fine demande li en mariage et zot fine alle en Syrie et dans la cité de Ghazza, Hashim fine décéder. Donc Salama fine donne naissance à ène garçon posthume ki ti appelle 'Shaïba'. Shaïba fine habite avec so maman jusqu'à l'âge de 8 ans à Madina. Le temps Muttalib, le frère de Hashim, fine conné ki li éna ène neveu, donc li fine alle cherche li. Kan Salama fine tende so visite, li fine invite Muttalib pou reste kot li pendant 3 jours. Muttalib fine ramène so neveu à Makkah. Shaïba ti éna 8 ans. Là Shaïba fine connu sous le nom de *Abdul Muttalib*.

## ABDUL MUTTALIB

Ça nom là veut dire 'Le serviteur de Muttalib'. Beaucoup d'explication fine donné à propos ça, mais l'explication plus valable c'est ki li ène orphelin et li fine grandi de la main de Muttalib.

Le plus grand travail ki Abdul Muttalib fine faire c'est ki li fine restitué le Zamzam. Li fine remette li à jour. Li fine faire ène promesse à Allah ki li envie faire ène sacrifice **ène parmi** so 10 garçons.

Alor kan li fine arrive Ka'aba Shareef avec so 10 garçons, li fine demande à ène prêtre pou faire tirage au sort (par flèche) lequel de so bane garçons pou être sacrifier. Le sort fine tombe lor Abd'Allah, et Abdul Muttalib fine avance dans ça place kot habitué faire sacrifice là avec Abd'Allah.

Abd'Allah so bane sœurs fine commence pleurer fort fort et zot fine supplier zot papa pou épargne li d'ène tel sacrifice et dans so place plutôt sacrifier 10 chameaux. Là aussi, prêtre là ti bizin faire tirage au sort entre Abd'Allah et 10 chameaux. A là encore, sort retombe lor Abd'Allah et là le nombre de chameaux fine

augmenter à 20, 30, fine monté même jusqu'à 100 ; arrive 100, le sort fine tombe lor chameaux et Abd'Allah fine être sauver.

Cinq garçons d'Abdul Muttalib zot bien connu dans l'histoire, comme bane supporters de l'Islam ou so bane l'ennemie. Ti éna, Abu Lahab « le Père de la Flamme », Abu Talib, Abd'Allah, Hamza et Abbas.

## **ABD'ALLAH ET AMINA**

Abd'Allah fine marié avec ène tifi ki appelle Amina de la tribu de Zuhra Wahab ibn Abd' Manaf ; zot ti bien réputé parmi bane Quraïsh.

A ça l'époque là Amina ti pé habite kot so « oncle Wuhaib ».

Au même moment ki Abd'Allah fine marié avec Amina, nièce de Wuhaib, Abdul Muttalib li aussi li fine marié avec ène tifi de Wuhaib ki appelle Hala. Hamza fine née de ça l'union là.

Donc, Hala ti ène Kala (tante) du Prophète (saw) et Hamza ti éna la relation de cousin aussi. Ti ène coutume ki le nouveau marié bizin reste kot tifi pou 3 jours. Et après ça, Abd'Allah fine retourne kot li. Li ti éna 17 ans.

Ène jour Abd'Allah ti bizin alle la Syrie pou so business, et en retournant li fine bizin reste à Madina. Là li fine tombe malade et li fine bizin reste plus longtemps à Madina. Le temps Abdul Muttalib fine tende ça, li fine envoye so garçon Harith pou alle prend so nouvelle. Avant ki li rentre dans Madina, Abd'Allah fine fini mort.

Abd'Allah li même li ti le Bien-Aimé de la famille ; zot tous sans exception fine troubler par so la mort et zot fine reste dans ène grand chagrin. Li fine quitte derrière beaucoup de chameaux, cabris, et ène fille esclave ki ti appelle Umm Aiman. Le Prophète d'Allah (saw) ti ène héritier de tous ça la. Le nom réel de Umm Aiman ti Barakah.

## **L'APPARITION DE CELUI KI FINE ÊTRE BÉNI D'ALLAH**

La naissance du Prophète Mohammad (saw) – ça même l'événement ki fine éna la plus grande l'importance dans l'histoire de l'humanité.

Beaucoup dimounes à ça époque là fine témoigne bane signes miraculeux durant la nuit de so naissance ; zot dire ki 14 minarets du palais Royal de Chosroës de l'Iran fine tomber lor la terre et fine dégringoler, la rivière Sawa fine sec, et le feu sacré dans temple de la Perse fine éteindre.

Le feu sacré fine teigne ; ça veut dire le feu du mensonge et de l'incroyance ; la flamme du Paganisme pou teigne. Et ça du feu ki ti pé dévier bane dimounes depuis lor le droit chemin, tous ça fine diriger vers zot tombes !

La magie noire fine disparaître, bane doctrines chrétiens fine tomber pareil couma feuille sec dans l'automne et bane grands temples kot bane idoles ti grands grands lé Roi ; tous ça là fine tombe en ruine avec la naissance de nous bien aimé Prophète Mohammad (saw).

Ça même l'année de so naissance, Abraha ti vine à la Mecque à la tête d'ène l'armée de soldats lor l'éléphant pou rode détruire Ka'aba Shariff. Par la grâce d'Allah li pas fine réussi dans so but parce ki Allah fine envoye des milliers de z'oiseaux ki fine envoye roche lor roche lor zot, et de ce fait zot fine détruire. Allah raconte ça incident là dans Chapitre Al-Fil (l'Eléphant) dans le Quran.

Dans l'air, dans l'atmosphère nous tende la voix, le cri d'ène seul Dieu Unique, la vertu fine vine rayonne la vie de tout un chacun comme ène jardin fleuri de roses fraîches et parfumés, la guidance divine fine prend la règne de la terre dans un rayonnement de lumière et la moralité fine révine à la surface comme ène miroir bien poli, kan le petit garçon orphelin d'Abd'Allah, l'enfant chéri de Amina, le maître da la Ka'aba, le Roi ki jamais pas ti mette ène couronne lor la tête, le Chef et Sceau des Prophètes fine prend naissance dans la gloire comme si li fine descende du ciel et la terre fine béni par so l'arrivée.

## DATE DE SO NAISSANCE

Le Saint Prophète Mohammad (saw) fine honore ça lémonde là par so naissance béni le 12 Rabi'ul Awwal, ène Lundi 571 – éna dire ki li fine né le 9 Rabi'ul Awwal 571 – mais zot tous d'accord ki li ti ène Lundi dans le mois de Rabi'ul Awwal du 8 au 12.

D'après ène calcul mathématique ki fine faire et ki mentionné dans Sahih Bukhari, ki le Prophète d'Allah (saw) ti gagne ène garçon Ibrahim ki fine décédé kan li ti éna 63 ans – Le jour ki Ibrahim fine mort ti éna ène l'éclipse soleil ki ti tombe 10 Hijra – Donc, d'après calcul mathématique ça l'éclipse soleil là fine éna lieu le 7 Janvier 632 à 8.30 du matin. Alors bane savants fine prend à partir de ça jour là et fine faire arrière ziska retrace la date de naissance du Saint Prophète de l'Islam (saw).

## PÉRIODE DE LACTATION

Au début de so naissance, Hazrat Mohammad (saw) fine être nourri par so maman Amina ; c-à-d, li fine prend le lait maternel. Après deux ou trois jours, li fine prend du lait de Thuwaiba, ène madame esclave d'Abu Lahab, Chacha du Prophète (saw).

Après Thuwaiba, c'est Halima Al Sa'diya ki fine allaite li. Li ti ène coutume dans ça l'époque là kot ti pé envoie bane bébés de famille riche et noble dans la campagne pour être nourri par bane nourrices. Ki faire ti pé envoie zot dans la campagne ? – Pour ki bane enfants là grandi dans ène l'atmosphère sain et pur et pou zot cause ène langue arabe pur, et pou zot préserve caractéristique de la race arabe. La noblesse Arabe fine reste vivant pendant très longtemps. Donc, beaucoup madames de la campagne zot vine à Makkah pou prend bane bébés pou soigner et grandi zot. La plupart ti trouve dans tribu Banu Huwazin. Donc Halima Al Sa'diya ti ène parmi zot. Li pas fine gagne aucaine bébé mais par la volonté d'Allah, en dernier, kot personne pas fine rode prend le petit Mohammad (saw), Halima fine bizin prend li. Halima pas ti éna le choix. Kan Amina pé donne li bébé là, Halima ti pé hésiter car Mohammad (saw) ti ène orphelin. Pou pas retourne la main vide, li fine prend li, et li fine retourne dans so village. Halima ti éna ène tifi ki appelle Al-Shaïma ki ti bien content Mohammad (saw) et li fine bien occupe li. Deux ans après, Halima fine retourne Mohammad (saw) à Makkah et présente li à so maman.

Ti éna ène grand l'épidémie dans Makkah ; donc, Amina fine dire Halima pour reprend le petit Mohammad (saw) et retourne li à la campagne. Halima fine reprend li.

Li bien connu ki la tribu Hawazin zot ti éna ène langage Arabe ki vraiment pur. Bien souvent Ibn Sa'd fine rapporté ki le Saint Prophète (saw) ti éna l'habitude dire : « *Mo même mo le plus éloquent de tous car mo appartenir au Qurāish et ki mo accent li de Banu Sa'd (ène l'autre nom de Banu Huwazin).* »

Le Prophète d'Allah (saw) ti bien content so maman nourrice. A chaque fois ki li rencontre Halima, après so l'apostolat, le Prophète (saw) ti éna l'habitude embrasse li et adresse Halima par : « *O mo maman, O mo maman.* »



Plus tard Harith, Halima so époux, et zot bane zenfants - Hazrat Mohammad (saw) so bane frères et sœurs de lait – Abd’Allah, Anisa, Hudhaifa et Hudhafa (Al-Shaïma) fine embrasse l’Islam.

## VOYAGE A MADINA

Kan le Prophète (saw) ti éna 6 ans, so maman Amina fine prend li fine alle Madina, kot so nana (Amina so papa) ki ti appartenir à la tribu Banu Najjar. Amina ti accompagné aussi de Umm Aiman (Barakah), ki ti en charge pou occupe le petit Mohammad (saw). Bane historiens dire ki Amina fine alle là-bas pou visite Qabr (tombe) de so époux, Abd’Allah, ki ti enterré là-bas à Madina. Amina fine reste là-bas près d’ène mois. Lor so chemin de retour, li fine tombe malade et li fine mort et enterré dans ène l’endroit ki appelle « *Al-Abwa* » (ène village 23 miles de Al-Juhfa) et Umm Aiman fine prend le petit Mohammad (saw) et fine retourne à Makkah.

Tout séki le Prophète fine trouvé à Madina dans so tendre enfance, ça fine reste dans so la tête. Ène fois létemps li pé passe près kot bane la caze de Banu ‘Abi, li montrer so bane compagnons kot so maman fine rester, ça tank de l’eau kot li fine apprane nager et bane champs kot li ti habituer jouer avec so ti camarade Anisa.

## LA GARDE DU PETIT MOHAMMAD (SAW) CONFIE À ABDUL MUTTALIB

Après la mort de so maman, le Saint Prophète (saw) fine être confié et élevé par so Dada Abdul Muttalib, ki fine mort après kan le Prophète (saw) ti éna zis 8 ans. Li fine mort à l’âge de 82 ans et fine enterré à Al-Hajun. Ça ti ène grand choc pou le petit orphelin. Li fine reste pleurer même tout le long du chemin jusqu’à Qabarastan (cimetière). Abdul Muttalib ti fine fini dire à Abu Talib pou prend Mohammad (saw) sous so responsabilité après so la mort.

Nous bizin aussi conné ki la mort d’Abdul Muttalib ti aussi ène grand choc pour la famille Hashim. Pour la première fois la famille Ummayya lerlà fine gagne ça grand position du point de vue mondiale. Tous postes d’honneur et de pouvoir ki Abdul Muttalib ti tenir en main fine glissé et fine alle dans la main de Harb, garçon de Ummayya. Seulement poste de *Siqaya* ti rester et ti occuper par Abbas, garçon Abdul Muttalib.

D’après l’histoire de l’enfance de Mohammad (saw), fine établir l’amour profond ki Dada du Saint Prophète (saw) ti éna pou li, et vice-versa. Mais seulement ti éna bane jaloux, en l’occurrence, Margoliouth ki pas ti trop content ça l’entente ki éna entre Abdul Muttalib et le petit Mohammad (saw). Ça question couma ène Dada capave content à ce point so petit-fils fine troublé Margoliouth beaucoup. Li fine tout les temps passe bane remarques désagréable lor zot relation Dada - tizenfant. Plus tard, Hamza, ène Chacha de Hazrat Mohammad (saw) fine appelle le petit Mohammad (saw) comme l’esclave de so papa (Hamza so papa). Là, Margoliouth fine gagne ène joli point comme preuve pou salir ça relation là. Mais Margoliouth li-même fine admette ki Hamza habituer dire ça parole là seulement kan li sous l’influence l’alcol.

Éna bane détails mentionné dans Sahih Bukhari kot dire ki Ali ti gagne comme part deux chameaux comme butin de la guerre de Badr. Dans ça l’époque là, bane boissons alcolisées ti pé consommer énormément par bane Arabes. Hamza pas ti exclure là-dans. Alors ki li ti dans ça l’état de soulaison là, Hamza fine touye ène de bane chameaux d’Ali, et fine tire so léfoie et lécoeur et fine rôti ça lor difé et fine manger. Kan le Prophète (saw) fine tende ça, li fine alle kot Hamza et fine réprimande li de so acte. Dans ça condition là ki lerlà encore li fine dire devant le Prophète (saw) ki li ène esclave de so papa Abdul Muttalib, ki ça ti ène très vilain parole et ki li pas ti mériter ditout.



## LA GARDE DU PETIT MOHAMMAD (SAW) CONFIE À ABU TALIB

Abdul Muttalib ti éna dix garçons avec différents épouses.

Abd'Allah et Abu Talib zot ti deux propres frères de même maman – ça même ki Abdul Muttalib fine confié Mohammad (saw) à Abu Talib. Donc, li aussi li ti éna ène très grand l'amour pou Mohammad (saw). Li ti pé guette li, occupe li plus ki so bane propres garçons. Kot li aller, c'est Mohammad (saw) ki ti pé accompagne li.

Kan li ti atteindre l'âge de 10-12 ans le Prophète (saw) ti pé garde bane moutons – li ti ène berger. Fine ena critique ki Abu Talib pas ti correcte, car zot pé traite Mohammad (saw) en disgrâce et déshonneur, kan fine faire li vine ène berger. En fait, être ène berger jamais ti être considéré comme ène occupation dégradant dans l'Arabie. Tous bane enfants – adolescents de familles pauvres ou riches ti pé faire ça travail là. Le Saint Coran mentionne ça dans bane joli paroles, kot Allah (twa) dire :

*« Et éna ène beauté là-dans kot ou sorti tôt le matin et ou retourner le soir. »*

En fait, ça ti ène de bane premiers rôle du berger de l'humanité. Plus tard, le Prophète (saw) souvent li fine cause beaucoup de ça métier intéressant là. Ène fois li ti alle dans la forêt avec so bane compagnons. Bane là ti pé mange « mîrtes ». Li dire zot : *« mange séki noir là, ça faire moi rappelle mo l'expérience personnel ki mo fine passer dans bane jours kot mo ti ène berger dans la forêt. »*

## VOYAGE À LA SYRIE

Abu Talib ti ène commerçant. Ène fois par an, li ti pé alle la Syrie. Ène fois, kan le Prophète (saw) ti âgé de 12 ans, li ti insisté avec so Chacha pou amène li en Syrie parce ki li ti tellement attaché avec li.

So Chacha ti calculé ki le petit Mohammad (saw) pas pou en sécurité, parce ki à cause bane difficultés ki gagner pendant bane telle voyages. Finalement so Chacha fine cédé et fine amène li. Dans ça voyage là-même ki l'histoire de Bahira fine passé. Abu Talib ti alle reste kot Bahira, ène moine à Basra au cours de ça voyage là. Là-même kot Bahira trouve le Prophète et li déclarer ki li pou vine le Chef de l'Apostolat. Kan fine demande li couma li conne ça, le moine fine réponde, li dire ki kan Abu Talib et so neveu ti pé déssane dépi lor colline, li fine trouve tous bane pié et bane roches ti pé courber devant zot l'arrivée.

Ça l'incident là fine raconter en plusieurs façons et mots. Séki curieux là-dans, bane chrétiens fine prend ça zistoire là plus en considération ki bane musulmans même car zot dire ki ça c'est ène grand triomphe de la chrétienté parce ki le Saint Prophète (saw) fine apprane bane secrets de la foi de ça moine là. Et zot croire ki le noyau de la sagesse de Bahira plus tard fine servi comme ène fondation de la doctrine Islamique. Zot dire ki tous bane bons principes de l'Islam zot nék ène élaboration de bane l'idées de base de Bahira.

## QUALITÉS DU PROPHÈTE DÉPI SO TENDRE ENFANCE

Dès so tendre enfance, ziska ki li fine atteindre l'âge de l'adolescence, avant ki li vine prophète, Hazrat Mohammad (saw) ti tout létemps résister à l'adoration de bane idoles ou n'importe ki rites associé avec zot. Ène fois li ti alle dans ène fête kot bane Quraish fine servi li manger ki zot ti fine sacrifié lor nom zot bane idoles ; fine donne li mange la viande sacrifié lor nom d'ène idole. Donc, li fine refuse pou mange ça catégoriquement.

Hazrat Mohammad (saw) ti ène zenfant obéissant, bien doux et gentil, d'ène tempérament douce. Li ti bien serviable envers bane dimounes ki ti entoure li. Li fine grandi avec bane bon manières. Li ti bon envers so nourrice, Halima, so maman Amina, so Dada Abdul Muttalib et so Chacha Abu Talib. Zot tous en retour ti bien content li et ti prend bien soin de li, parce ki li ti bien spéciale pou zot.

Le Prophète (saw) fine grandi en étant véridique et sensible aux malheurs de bane dimounes. Dans so jeunesse, li ti bien chagrin pou trouve bane injustice ki ti autour de li ; li ti gentil spécialement envers bane pauvres et li ti pé respecter zot. Li ti aussi éna considération pour bane les autres ki ti plus riches, mais n'importe kan ti éna ène l'injustice envers ène pauvre, li pas ti hésiter pour dépêcher pour alle à so l'aide, ki li ti ène missié ou madame ou zenfant. Alor, dans so jeune âge même, li fine joindre ène groupe de jeunes pareil couma li ki fine vine ensam comme mission pour aide bane pauvres et défendre zot droits en cas d'injustice. Li ti bien respecté dans so cercle, et dans so jeune l'âge même li fine gagne le titre de « *Al-Amin* » (Le Digne de Confiance) et « *As-Saadiq* » (Le Véridique). Li ti ène dimoune droite et ti pé la guerre pour la justice et ti pé faire tout so mieux possible pour aide bane victimes de l'injustice.

## PARTICIPATION DANS BATAILLE DE FIJAR

Dépi l'époque de bane Prophètes Ibrahim et Ismail, certains mois de l'année fine considéré comme sacré. Pendant ça bane mois sacrés là, bane batailles et bane hostilités kot éna bane attaques physiques entre bane tribus ti strictement interdit.

Tous les temps bane Arabes ti pé la guerre jusqu'à la venue de l'Islam ; ène la guerre, ki pli connu comme ène la guerre ki pli effroyable ti la guerre *Hard Al-Fijar* – ça la guerre là ti entre bane tribus de Quraïsh et Qaïs Al Kinani. Alors, la loi ki pas la guerre dans bane mois sacrés fine être désobéi kan Al Barrad, garçon de Qaïs fine touye Urwah Al Rahal ki ti Utbah Al Huwazin so garçon. Ça fine déclenche ça bataille là. Ça ti ène bataille très très chaud. C'est à ki à tour de rôle fine prend le devant. – Finalement fine bizin faire ène Traité. Le chef commandant de bane Quraïsh ti Harb Ibn Ummayya, le papa de Abu Sufyan et Dada de Amir Muawiya.

D'après certains sources, le Prophète (saw) ti prend part dans ça bataille là car li ti ène point d'honneur pour toute la famille, et bane Quraïsh ti lor côté droit. A ça l'époque là, le Prophète (saw) ti éna à peu près quinze ans. D'autres sources ki pli intéressant indique nous ki le jeune Mohammad (saw) pas fine prend z'armes dans ça la guerre là, mais comme li ti ène point d'honneur pour la famille, li ti pé seulement ramasse bane flèches ki fine tomber pour so Chacha Abu Talib. Ça bataille là fine être appelé Bataille de Fijar parce ki li ti dérouler dans ène mois ki ti interdit pou la guerre.

## TRAITÉ DE FUDUL

La guerre entre bane Arabes même fine vine ène la mode dans l'Arabie – beaucoup de famille fine assassiné et massacré – Tellement fine éna la guerre ki ça fine vine ène 2<sup>ème</sup> nature dans zot du sang – Donc, ça fine vine très sérieux kot pé bizin pense lor ène réforme.

Après la bataille de Fijar, Zubair Ibn Abdul Muttalib, ène Chacha du Prophète (saw) et le Chef de la famille, fine vine de l'avant avec ène proposition. Tous bane hommes de bane tribus de Hashim, Zuhra et Ta'i fine rassembler dans la caze de Abd'Allah Ibn Ju'dan et fine bizin faire ène pacte kot zot tous bizin faire grand grand zefforts pou protège bane opprésés et ki aucaine oppression pas pou tolérer dans Makkah.

Le Saint Prophète Mohammad (saw) ti présent kan ça déclaration là ti faire. Bien souvent, kan li fine vine Prophète, li ti dire ki jamais li pas pou casse ça pacte là même si zot offert li bane chameaux rouges.

Appelle ça Traité de Fudul, parce ki so bane lettres ti éna la racine de *Fadl* ki ti porte le nom de so bane promoteurs – ki ti Fadil Ibn Haritha, Fadil Ibn Wida', et Mufaddal.

Zot appartenir aux tribus de Jurhum et Qatura. Ça pacte là pas fine trop rapporte so fruit ; zot fine vite oublié li et bane Quraïsh de temps en temps ti pé bizin recommencer. Mais bane originateurs de l'idée de ça pacte là, Insha-Allah, zot pou être récompensé pou zot l'intention.

## TRAVAIL POUR LE COMPTE DE KHADIJA (RA)

Kan li ti encore dans so jeune l'âge, environ 24 – 25 ans, Hazrat Muhammad (saw) fine commence travaille pour Hazrat Khadija (ra), ki ti ène commerçante bien populaire de la Mecque. Dès ki li rentre dans so nouvo travail, pas fine faire longtemps dépi ki bane les autres travailleurs et Hazrat Khadija (ra) même fine remarque so l'honnêteté dans so travail et façon ki li faire so transaction, et doucement doucement Hazrat Khadija so commerce fine grandi et faire bel profits. C'est durant ça même période là ki Maysarah, serviteur de Hazrat Khadija, fine témoigne plusieurs bane manifestations divines lor le jeune Hazrat Muhammad (saw) au cours d'ène voyage pour le commerce. Li fine raconte tout ça bane manifestations divines là à Hazrat Khadija, ki fine commence développe ène l'amour pour le Prophète (saw), pour so personnalité, so l'honnêteté, et faveurs divines ki ti pé déverse lor li.

Bane les autres points d'honneur du caractère du Saint Prophète (saw) c'est so valeur morale ki li ti possédé. Donc li ti reconnu comme le plus honnête des commerçants de l'Arabie, parce ki ça ti très très rare dans ça l'endroit là. Li ti connu sous le titre de : « Commerçant de Makkah le plus digne de confiance. »

Hazrat Khadija (ra) ti pé souvent envoie li à Jarash en Yémen. Comme récompense Hazrat Khadija ti pé donne li ène chameau rempli de marchandises personnel pou li – pas pour la vente.

Le Prophète (saw) fine faire quelques autres voyages à la Syrie, Basra et Yémen pou le commerce – ça l'époque ki li ti éna 25 ans.

## MARIAGE DU SAINT PROPHÈTE (SAW) AVEC KHADIJA (RA)

A l'âge de 25 ans, le Saint Prophète (saw) fine marié avec Hazrat Khadija (ra) ki ti en plus d'être so patron, li ti so cousine aussi, et ainsi li fine vine so premier madame. C'est Hazrat Khadija (ra) même ki ti offert li-même en mariage à Hazrat Mohammad (saw). A ça l'époque là, Hazrat Khadija ti éna environ 40 ans et li ti déjà deux fois veuve. Malgré ça grand différence d'âge là, Hazrat Mohammad (saw) fine accepter so demande en mariage et fine marié avec li. Pour Hazrat Khadija, Hazrat Mohammad (saw) ti ène époux modèle ; li ti pé prend soin tous bane transactions de commerce de so madame et bane z'affaires de zot la caze. Kan li fine marié avec li, Hazrat Khadija fine donne tous so richesses à Hazrat Mohammad (saw) ; et le Prophète (saw) ti ène vrai gardien de ça bane richesses là – dans la façon ki li fine prend la responsabilité pour distribuer ça bane richesses là à bane pauvres et pour libère tous bane esclaves. Li ti pé prend bien soin de so madame Khadija, dépi so mariage avec li ziska Hazrat Khadija so la mort 25 ans plus tard, après 25 ans de vie de mariage.

Avec so madame Khadija, le Prophète fine gagne quatre tifi et deux garçons. Bane tifi là fine survivre tandis ki so bane garçons fine mort dans zot tendre l'enfance. Plus tard li fine ré-gagne encore ène l'autre garçon avec so madame Maria, mais garçon là, ki ti appelle Ibrahim, li aussi fine mort quelques mois après so naissance. So bane tifi fine grandi assez pou accepter l'Islam, mais kan même ça zot fine mort assez jeune dans zot vingt à trente ans. Alor, après la mort de so bane garçons, le Saint Prophète (saw) pas fine éna aucaine propre garçons ki pou capave hérite li. Malgré ça, li ti ène papa dévoué à so quatre tifi, ki ti bien content li aussi. Li fine prend compte zot l'éducation spirituelle et fine grandi zot dans pli bon façon ki existé, avec bane bon manières et douceur de l'âme. Kan l'Islam fine prend naissance, ça bane tifi là fine grandi avec l'éducation Islamique ki Allah fine établir pour toute l'humanité. Même kan so bane garçons ti vivant, Hazrat Mohammad (saw) pas ti pé différencié entre so bane zenfants, ki li garçons ou tifi !

## RECONSTRUCTION DE LA KA'ABA

La Ka'aba li ti nék ène bâtiment hauteur ène dimoune et li pas ti éna aucaine toit. Li ti dans ène bas fond kot tout de l'eau la pluie de la ville ti pé déversé. Donc, pou contrôle ça déversement là, fine construire ène réservoir. Mais très souvent ti éna fuite dans ça réservoir là ; de l'eau ti pé toujours abime Ka'aba Shareef.

Après ène certain l'époque, environ kan le Saint Prophète (saw) ti éna 35 ans, bane Quraïsh fine décide pou démolir Ka'aba et pou remplace li par ène bâtiment beaucoup plus solide. Ça fine passer cinq ans avant la mission de Hazrat Mohammad (saw) comme Prophète d'Allah.

Heureusement ène navire à ça l'époque là fine faire naufrage lor la côte de Jeddah. Bane Quraïsh fine gagne ça nouvelle là et Walid Ibn Mughira fine presser, li fine alle Jeddah et fine acheter tous so bane planches. Ène maçon Romain, appelle Baqum ti à bord de ça navire là, et Walid fine amène li kot Ka'aba Shareef.

Là, la reconstruction de la Ka'aba fine refaire avec tous bane z'efforts fourni par bane Quraïsh. Différents familles fine vine donne ène bon coup de main car li ti ène travail bien énorme et personne pas ti rode perdi ça bénédiction et l'honneur là. Kan fine arrive l'heure pou place la pierre noire « Hajr Al-Aswad », là-même fine arrive bél problème kot chaque tribu ti pé rode pou gagne ça l'honneur là li tout sél. Voilà ki comme d'habitude zot fine rentre en guerre ziska même zot fine tire l'épée avec zot camarade. Ti ène coutume ça en Arabie, celui ki pou dédier so la vie, li pou rempli ène tasse de sang et li pou plonge so bane les doigts là-dans – Donc, quelques aspirants fine faire ça. Ça la guerre là fine durer pendant quatre jours. Lor cinquième jour, Abu Ummayya Ibn Mughira, ki ti plus âgé parmi tous bane Quraïsh fine faire ène suggestion ki premier dimoune ki pou visite et rentre dans Ka'aba le lendemain matin, li-même pou arbitrer entre zot. Donc, zot tous fine tombe d'accord lor ça l'idée là.

Le lendemain, bane Chefs de tous bane tribus fine alle kot ça place kot le premier visiteur pou pose so lipié – En fait, c'est Hazrat Mohammad (saw) ki fine vine premier. Après ki li fine prend connaissance de problème ki

bane tribus pé faire face, li, à ce moment là pas fine envie déplaire aucaine tribus. Donc, li fine dire sakaine pou choisir zot chef ki ti pou envie gagne ça l'honneur là. Alors, ki li fine faire ? Li fine prend la pierre noire et li fine pose li dans ène la toile et li fine demande sakaine pou attrape ène coin ça la toile là et soulève li pou mette li dans so place. Létemps zot fine apporte li lor so site, Hazrat Mohammad (saw) lerlà li-même li fine prend la pierre noire li fine mette li dans so position. Là nous trouver ki ça incident là li ti ène indication à nous bane jeunes ki dans le future c'est zot ki destiner pou mette l'Islam en position à chaque fois ki sakaine d'entre nous pou la guerre et pou dire ki zot Sahih (vrai).

Donc, par la sagesse de nous bien-aimé Prophète (saw), ène la guerre dangereuse fine réussi éviter. Maintenant la Maison de Dieu fine réussi gagne ene toit. Comme matériaux ti manqué, ène ti place ti découvert kan ti mette fondation. Ça portion ki zot fine encerclé li par ène mur ki inclus dans bâtiment principale. Ça portion là ti appelle « Hatim ». Plus tard le Saint Prophète Mohammad (saw) fine éna l'intention pou inclure ça morceau là dans Ka'aba après ki li pou casse ça muraille là, mais lerlà li fine pense au nouveau convertis à l'Islam ki attention ki zot alle dérouter.

Al Bukhari mentionner ki le Prophète (saw) li-même fine prend part dans la construction de la Ka'aba comme ène laboureur ordinaire ; li fine saryé gros gros roches lourds lor so z'épaules et même éna bane blessures lor so z'épaules ki fine resté.

## **RENCONTRE AVEC BANE MONOTHÉISTES (BANE KI PRIÉ ÈNE SEL DIEU)**

Pas éna aucaine doute ki bien avant l'avènement de l'Islam, ène petit lueur de vrai lumière fine commence faire surface dans l'Arabie ; en résultat de ça, Quss Ibn Sa'ida, Waraqa bin Nawfal, Ubaid Allah Ibn Jahsh, Uthman Ibn Huwairith et Zaid Ibn Amr Ibn Nufail, zot fine commence révolter contre l'idolâtrie. Nous tous conné ki l'Arabie ti plonger dans l'adoration bane idoles couma Lât et Uzza. Bane chrétiens zot fine mette ène blâme lor le Saint Prophète (saw). Zot dire ki le premier né du Prophète (saw) ti appelle Abd'al 'Uzza, nom ça idole ki d'après zot, Hazrat Khadija (ra) ti pé adorer. Pour zot, le Saint Prophète (saw) ti bizin avale ça kitchose là en silence, et même zot dire, surtout Margoliouth, ki soi-disant li fine trouve Hazrat Mohammad (saw) fine sacrifier ène mouton gris lor nom de 'Uzza et fine offert ça à 'Uzza (Astaghfiroullah) – Mais li pas fine capave supporte so argument. Pas éna aucaine place kot ça mentionner mais li fine base li lor ène référence à Wel Haussen – en plus de ça, ça Hadith là vine de Al' Kalbi ki ti très reconnu comme ène menteur.

Dans ça cinq dimounes mentionner là, le Prophète (saw) bien habituer avec Zaid. Waraqa bin Nawfal ti ène chrétien ; li ène cousin de Khadija (ra) et li ti habite à Makkah. Éna rapport ki dire ki Hazrat Mohammad (saw) bien conne tous les deux et li ti bien avec zot – Waraqa et Zaid.

## MISSION COMME PROPHÈTE

Le Saint Prophète (saw) fine né dans ène l'époque kot Makkah et l'Arabie en entier ti plonger dans l'adoration de bane idoles. Dans Ka'aba même ti éna 360 idoles. Le Prophète (saw) ti sorti d'ène famille très distinguer et ki éna ène statut dans la société, parce ki c'est zot-même ki ti possède la clé de la Ka'aba et zot ti so bane gardiens. Le Prophète d'Allah (saw) jamais dans so la vie fine prosterne devant ène de ça bane idoles là, et ni li fine prend part dans bane rites de bane païens dans n'importe ki forme.

Comme ène marque de distinction, bane Quraish zot ti déclare ène exemption de l'obligation ki ti éna pou alle Arafat kan ti éna pou faire Hajj. Et zot ti insister ki bane étrangers, kan zot faire le pèlerinage zot bizin faire le tour de la Ka'aba sois dans façon ki bane Quraish habiller ou tout nu ! En conséquence, zot faire le tour Ka'aba nu et ça fine vine ène pratique régulier.

Mais le Prophète d'Allah (saw) jamais li fine accepter ene telle condition pou autorize so Ummat pou faire ça.

Ène l'autre l'habitude ki bane Arabes ti éna c'est ki zot content raconte zistoires. Le soir, zot réuni, éna raconte zistoires, éna raconte bane vers et poèmes etc. Zot capave passe ène la nuit entière coumsa.

Kan Hazrat Mohammad (saw) ti encore ène adolescent, li ti envie assister à ène telle réunion par curiosité, mais en chemin, tout létemps bizin éna ène prétexte couma nous dire kot jamais li fine réussi participe dans de telles réunions. Par exemple, en chemin, li fine alle trouve ène mariage pé passer, alors li fine arrêter pou guetter et finalement li fine gagne sommeil. Alors nous trouver ki Allah (swt) Li protège So Serviteur Choisi dès so l'enfance. Péna doute ki ça vine de côté d'Allah kot Allah retenir li de bane telles réunions ou folies. Li fine destiné pour ène travail selon la volonté d'Allah ; donc c'est Allah même ki So Protecteur et So Gardien.

Ça conduite là li éna so signification d'ène bon et vertueux nature mais ti pé bizin quelque chose beaucoup plus haute et plus noble pou ça office sublime là ; ti pé bizin trouve ène bon façon pou prier et pou accorde à l'humanité en entier la guidance. Alors, c'est dans ça période là kot ça cinq là, zot en quête de la vérité (c-à-d, Waraqa, Zaid, Uthman Ibn Al Huwairith et les autres zot fine trouve ça ridicule pou zot alle prosterne devant bane roches et ki péna aucaine sens. Donc, zot fine faire beaucoup zefforts pou zot conner kot la vérité, vrai la foi été. Alors Waraqa et Uthman fine embrase la chrétienté tandis ki Zaid fine mort en disant :

« O mon Dieu, si mo ti conner couma pou adore Toi, mo ti pou adore Toi dans ça façon là. »

Le Prophète d'Allah (saw) ti éna beaucoup travail vis-à-vis le monde – li fine éna pou occupe bane commerces ki li ti prend responsabilité, so bane enfants, so voyages pou so commerce – Mais lerlà, Allah fine destine li pour ène travail d'ène nature plu noble – celui de Prophète – et fine ordonne li pou faire seulement le travail ki Li (Allah) oulé. Lerlà même ki Hazrat Mohammad (saw) quitte tous so bane travail mondaines ki pas représente nannié pou li. Li fine concentrer avec amour lor juste l'instruction ki Allah donne li.

Là, li commence éloigner avec bane kitchoses mondaines ; li alle dans ène la cave environ trois miles de Makkah ki appelle « Hira ». Li alle là-bas et li passe des semaines là-dans en apportant so manger et li commence rentre dans méditation. Donc li aller-vini dans ça la cave là et li prier.

A l'âge de 40 ans, Allah fine appelle li pour so mission de Prophète, et li fine vine le Sceau de tous bane Prophètes. Pour définir so bane qualités comme ène Prophète d'Allah, ena deux versets Quran et ène Hadith ki définir so grandeur et supériorité lor tous bane les autres Prophètes et l'humanité en générale.



لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْ  
جُوا اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا

Le Quran dire : « *Le Messager d'Allah li le meilleur exemple pour bane ki éna l'espoir dans Allah et le Dernier Jour, et ki rappel Allah beaucoup.* » (33:22)

مَا كَانَ مُحَمَّدٌ أَبَا أَحَدٍ مِّن رِّجَالِكُمْ وَلَٰكِن رَّسُولَ اللَّهِ وَخَاتَمَ النَّبِيِّينَ  
وَكَانَ اللَّهُ بِكُلِّ شَيْءٍ عَلِيمًا ﴿٤١﴾

« *Mohammad (saw) li pas papa d'aucaine de bane z'hommes parmi ou. Li le Messager d'Allah et le Sceau de bane Prophètes. Allah au courant de tous kitchoses.* » (33:41)

Le Quran témoigne à travers tous bane révélations de bane excellents caractéristiques du Saint Prophète Mohammad (saw).

En plus de ça, éna ène Hadith kot ène kikaine fine demande so madame bien-aimé, Hazrat Aisha (ra) à propos caractère et personnalité du Prophète (saw). Tout séki Hazrat Aisha (ra) fine dire li, c'est ki : « Eski ou lire le Quran Shareef ? » Kan ça dimoune là fine réponne par l'affirmatif, Hazrat Aisha (ra) fine dire li ki caractère et personnalité du Prophète (saw) ti le Quran Shareef même. Le Saint Prophète (saw) ti en fait : « Le Quran version marché », séki veut dire ki li ti pé mette en pratique tous bane commandements du Saint Coran et suive zot à la lettre.

## ABU BAKR (RA) ACCEPTER L'ISLAM

Hazrat Mohammad ti pé respecter tous so bane camarades, spécialement so meilleure camarade (humainement parlant) Abu Bakr Siddique (Celui ki cause la vérité), ki fine vine le premier missié ki fine accepté so proclamation comme Prophète et ki fine sacrifier tous so bane richesses pour la cause de l'Islam. En plusse de ça, so camarade fine vine aussi so beau-père, parce ki Hazrat Aisha (ra) ti Hazrat Abu Bakr so tifi. Hazrat Mohammad (saw) ti reste tous les temps sincère envers so camarade Abu Bakr, ki so vrai nom ti Abdullah. Abu Bakr, kan à li fine toujours conne le Prophète (saw) comme ène dimoune avec ène bon lécoeur et véridique. Dans so lizié, Hazrat Mohammad (saw) ti le meilleur de bane camarades (humainement parlant), aparte Allah, parce ki li ti éna ène kitchose, ène lumière spéciale ki refléter lor li. Plus tard, kan li fine entende dire ki so camarade fine vine Prophète, li fine accepter li. Ça ti passé kan Abu Bakr ti en voyage, et kan li fine retourner li fine entende dire par bane les autres dimoune ki Mohammad (saw) pé déclare li Prophète. Alor li pas fine perdi létemps et li fine alle rode Hazrat Mohammad (saw). Li fine demande le Prophète (saw) sipa vraiment li fine déclare li Prophète, mais le Prophète (saw) fine essaye explique li la situation. Hazrat Abu Bakr Siddique pas fine rode conne tous ça bane détails là et li fine arrête le Prophète (saw) et li fine exige ène réponse directe. Kan Hazrat Mohammad (saw) fine dire li ki effectivement Allah fine faire li vine So Prophète, li pas fine perdi létemps pour accepter so proclamation et li fine prend le *Baiat* (serment d'allégeance) dans so la main, parce ki li pas fine conne ène telle dimoune sincère et honnête dans so parole pareil couma so camarade Hazrat Mohammad (saw). C'est à partir de ça jour là ki Hazrat Abu Bakr fine être connu comme le « Siddique » (Le Véridique), parce ki li fine être le premier homme pour croire dans li sans aucaine explication, et ki témoigne la vérité de proclamation du Saint Prophète (saw).



## LA VIE FAMILIALE DU SAINT PROPHÈTE (SAW)

Après la mort de Hazrat Khadija, le Prophète (saw) fine marié avec bane les autres madames, et li fine montrer même l'attitude de respect, l'amour et compassion à tous so bane madames et zot en retour fine content li complètement.

Chaque madame du Saint Prophète (saw), ti éna zot propre l'appartement. Dans bane premiers temps, après l'arrivée à Madina, la caze du Saint Prophète (saw) ti éna ène seul l'appartement, pou so seule épouse ki li ti éna, c.à.d Hazrat Sawda (ra) et so deux filles (non mariées), Umm Kulthum et Fatima.

Umm Kulthum, kan li fine marié, li fine allé. Mais tandis ki Fatima, kan li ti marié, li fine reste dans l'appartement là avec so époux Hazrat Ali (ra), jusqu'à naissance zot deuxième z'enfant, c.à.d en l'an 4 de l'Hégire.

Après zot départ, ça l'appartement là ti vine salon du Saint Prophète (saw) kot li ti pé recevoir bane visiteurs.

Après au fur et à mesure, à chaque fois ki ène épouse ti pé vini, ène pièce supplémentaire ti pé construire.

Chaque pièce ti pé donne lor ène couloir ou soit nous capave dire ça ène terrasse commune. Bane la chambre là, zot muraille ti en la boue ki fine faire sec. En bas ti éna la terre battue et so toit, ti assez bas, faire avec feuilles et branches de dattiers (tames).

Chaque madame ti pé cuit so manger dans so la chambre. Fine rapporté ki le Saint Prophète (saw) ti pé aide so bane madames. Hazrat Aisha (ra) rapporte : « Li ti bien aide nous, et kan li ti pé tende Azaan, l'appel à la prière, li ti pé sorti ! » et Hazrat Aisha (ra) fine également dire : « Le Saint Prophète (saw), ti pareil couma ène parmi nous, li ti pé donne coude main, lève ça, mette ça là-bas, enfin li ti pé participe dans bane occupations (de zot la caze) ! » Le Saint Prophète (saw) ti habituer coupe la viande, et li ti pé aide bane domestiques dans zot travail.

Fine rapporté dans Hadiths, ki Hazrat Mohammad (saw) ti éna l'habitude aide so bane madames dans bane l'ouvrages de tous les jours ; li ti pé traire bane z'animaux, en l'occurrence bane chèvres, baleyé la caze, raccommode so bane linges et répare so bane souliers.

Le Saint Prophète (saw), ti pé montrer li pli équitable possible envers tous so bane madames.

Rapporté ainsi ki, si ti éna ène différence entre so bane madame, c'est ki, éna ti pé gagne plisse cadeaux de côté zot bane familles et éna ti pé gagne moins et parfois nannié. Le Saint Prophète (saw) ti faire ène duah à propos ça.

« O mo Seigneur, mo équitable envers tous séki sous mo contrôle. Pas en colère avec moi pour bane kitchoses ki pas sous mo contrôle ! »

Fine rapporté ki li ti pé rende sakaine visite quotidiennement, et li ti éna toujours ène sourire lor so visage. Selon Hazrat Aisha (ra), li dire ki le Saint Prophète (saw) ti toujours de bonne humeur et li ti très gentil kan li avec ène parmi zot.

Également, Hazrat Mohammad (saw) pas ti pé réjette bane distractions ; ainsi, fine rapporté ki li fine faire ène lé course avec Hazrat Aisha (ra), et c'est Aisha ki fine gagner. Puis ène second fois c'est Hazrat Mohammad (saw) ki ti gagné à cause Hazrat Aisha (ra) ti fine un peu gros.

Fine rapporté aussi ki li ti pé jouer avec Ibrahim, zenfant ki li ti gagner avec Hazrat Maria (ra) et li ti jouer également avec so bane ti zenfant, kot li ti pé prend zot et mette zot lor so genoux.

Et rapporté aussi dans Hadiths ki Hazrat Imam Hassan et Hazrat Imam Hussein (ra) ti pé habituer monte lor so lédos et jouer *Kadadak*. Nous trouver ki le Saint Prophète (saw), malgré so poids de responsabilité, li ti ni triste ni inaccessible avec bane dimounes ki ti pé vivre autour de li ; li ti pé rende li toujours disponible et attentif à sakaine parmi zot. A propos bane madames, li fine dire : « *Le croyant ki so la foi li pli parfait, c'est ça dimoune ki so qualité moral pli pur et pli nobles. Le meilleur parmi ou c'est bane ki meilleur envers zot bane épouses.* »

À travers bane Hadiths, nous fine comprend ki la famille du Saint Prophète (saw) ti pé vivre dans la pauvreté. Par exemple fine rapporté ki le Saint Prophète (saw) jamais pas fine mange du pain ki fine fek cuit dans so la vie.

Hazrat Aisha (ra) fine rapporté : « *Nous pas ti éna tamine dans vivant du Saint Prophète (saw). Nous ti habituer souffler la farine sortie dépi moulin pou élimine dissons, lèrlà nous ti pé prépare di pain.* »

Kan ti éna manger, zot ti pé mange la viande (mouton ou chameau) rôtie ou bouille, avec bane légumes ki ti pé vine de la région fertile de Ta'if, zot ti habituer faire ène la soupe avec ça. Hazrat Mohammad (saw) ti extra content pou mange le Tsarid, c.à.d la soupe ki ti pé faire avec du pain et la viande.

Ti éna bane période de misère extrême, et pendant ça période là, la famille ti pé reste avec tames et de l'eau seulement.

Hazrat Aisha (ra) fine rapporté, ki la famille ti pé reste souvent coumsa pendant plusieurs mois sans manger, sans allume aucaine du feu dans la maison. Et li fine dire aussi ki Hazrat Mohammad (saw) ti éna bane voisins Médinois qui ti possède bane brebis et ça bane voisins là, ti habituer envoye du lait ki, Hazrat Mohammad (saw) ti pé donne zot (so bane madames) boire.

Rapporté par Anas (ra), ki li fine tender ène soir ki le Saint Prophète (saw) ti pé dire : « *Mo bane madames pas ti éna à la maison ni ène mesure de l'Orge, ni mesure aucaine la grain, à l'époque ki zot ti à 8 (madames).* »

Après l'expédition de Khaybar, la situation de bane musulmans ti vine meilleur. Fine rapporté ki pendant ça l'époque là Hazrat Mohammad (saw) ti apporte à so bane madames provisions pour 1 an.

Le Saint Prophète (saw) ti habitué vende bane palmiers de Bani Nadhir et ti pé mette en réserve pou so famille de quoi pou manger pou 1 an. Cependant, comme li ti très sollicité, à chaque fois ki li ti pé recevoir bane demandes d'aide jamais li ti pé refuser, de telle sorte ki so provision ti pé fini bien avant so date.

Ène fois bane épouses ti réclame ène amélioration matérielle. Li fine dire zot ki ça pas bon pou zot. C'est à ça moment là ki le Saint Prophète (saw) ti retire li dans ène place retiré, pou li, pour ène période de 1 mois. Tous dimounes ti inquiet dans l'Islam, et kot zot tous fine croire ki Hazrat Mohammad (saw) fine divorce bane Ummoul Moménaate (Mères des Croyants). Mais ça fine être démenti par le Saint Prophète (saw), li même, kan Hazrat Umar (ra) fine rendre li visite et puis kot tous musulmans fine être soulager.

C'est à ça l'occasion là ki bane versets fine être révéler, ki nous appelle ça bane 'versets de l'option'. Ça li trouve dans Ch. 33 Surah Al Ahzaab Verset 29-30.

يَتَأْتِيهَا النَّبِيُّ قُلٌّ لِّأَزْوَاجِكَ إِن كُنْتُنَّ تُرِدْنَ الْحَيَاةَ الدُّنْيَا  
وَرَزِينَتَهَا فَتَعَالَيْنَ أُمَتِّعْكُنَّ وَأَسْرِحُكُنَّ سَرَاحًا جَمِيلًا ﴿٢٩﴾

« *O Prophète ! Dire à to bane madames : « Si ou oulé la vie lor ça la terre là et avec so décor, vine vers moi, qui mo donne zot du bien et qui mo rende zot zot liberté à l'amiable!* »

وَإِنْ كُنْتُمْ تُحِبُّونَ اللَّهَ وَرَسُولَهُ، وَالذَّارَ الْآخِرَةَ  
فَإِنَّ اللَّهَ أَعَدَّ لِلْمُحْسِنِينَ مِنْكُمْ أَجْرًا عَظِيمًا ﴿٢٩﴾

*Mais si c'est Allah et So Prophète ki ou oulé, et la vie future, alor Allah fine prépare pou bane parmi ou qui faire le bien ène grand récompense. »*

A la suite, de ça bane versets révéler là, le Saint Prophète (saw) lirlà fine consulter sakaine de so bane madames et fine donne zot pou choisir entre la séparation avec li ou bien pou reste bane Mères des Croyants, en acceptant ène la vie modeste.

Hazrat Mohammad (saw) fine consulter Hazrat Aisha (ra) en premier parce ki kan li fine retourne kot so bane madames ti arrive so tour pou li alle kot Aisha (ra). Hazrat Mohammad (saw) fine dire li alle consulter so papa (Abu Bakr) avant afin ki li capave donne li conseil. Mais Aisha (ra) fine réponde ki so papa péna narien pou faire là-dans ! Li fine prend so décision, seule, la première parmi bane épouses. Li dire : « *En vérité, mo désir Allah et so Prophète, ainsi ki l'Au-delà ; même dans la pauvreté.* » Hazrat Hafsa (ra) et les autres fine donne même réponse.

A propos ça sujet là, fine rapporté qui parfois ti pé arriver ki bane madames du Prophète ti pé répond li, sans aucaine hésitation. Hazrat Umar (ra) raconté : « *Nous bane habitants de la Mecque, nous éna l'habitude pou domine nous bane madames. Kan nous fine arrive à Madina, nous fine découvert ki li pas coumsa là-bas, kot bane Ansars. Nous bane madames fine commence contaminer par zot l'exemple.*

*Ène fois kan mo fine criyé are mo madame, li fine réponde moi d'ène tel façon ki mo même mo fine étonné ! So madame fine dire li kot li pas fine donne li même létemps, et lirlà Hazrat Umar dire : « Mo pas fine content ça du tout ! ». Madame là réponde : « Ki fer to étonner, mêmes bane épouses du Saint Prophète (saw) réponde li parfois coumsa même. »*

Faudé pas ki nous imaginer ki la vie familiale dans la caze du Saint Prophète (saw) ti éna tous le temps bane disputes, nous bizin prend ça dans ène bon façon, parce qui à chaque fois ki ti éna ène dispute, bane messages divines ti ène révéler pou guide l'Oummah et pou guide l'humanité.

Le Saint Prophète (saw) ti pé consacrer beaucoup létemps pour l'éducation spirituelle de so bane madames. Li ti pé réserver ène journée entière par semaine pou éduquer zot !

## **BANE BATAILLES**

Le Prophète (saw) jamais fine servi l'épée contre so bane l'ennemi excepté kan Allah fine ordonne li pour faire ça. Li fine prend l'épée contre zot, kan ça bane l'ennemis là ti pé touye en masse bane musulmans ki ti pé accepter la religion de la vérité – l'Islam. Comme ène guérrier dans période la guerre, li ti pé toujours veiller pour respecter bane droits et la vie de bane madames, bane vieux dimounes, bane zenfants et de bane créations d'Allah tel couma bane pié. Li ti pé protège bane faibles et ti pé touye bane l'ennemi Quraïsh et bane les autres ki ti pé assoiffés du sang de bane Musulmans.

Le fait ki li ti ène Prophète d'Allah, Hazrat Mohammad (saw) ti éna beaucoup l'ennemi, et par conséquent, ça faire li vine l'Ennemi de so bane l'ennemis. Malgré ça, li ti toujours cordiale envers so bane l'ennemis et ti pé souhaite zot la paix. Bane ennemis parmi bane Quraïsh ti conne so tempérament et so grand caractère. Avant et même après so l'apostolat (comme Prophète d'Allah), n'importe kan le Prophète (saw) fine donne zot so parole à propos ène kitchose, zot ti conné ki jamais li pas pou alle contre so parole. Zot ti conne li comme ène véridique, malgré ki zot pas fine accepter li comme Prophète, et zot ti conné couma ène bon gardien de zot bane zaffaires li ti été. Zot ti même conné ki qualité grand opposant li ti été lor le champ de bataille, n'importe kan ti éna le Jihad (la guerre sainte) pour la cause d'Allah.

## **CARAVANE ABU SUFYAN**

Ène caravane diriger par Abu Sufyan ti pé passer près kot Madina. Kan le Prophète Mohammad (saw) ti fine gagne la nouvelle, li fine oulé arrête ça caravane là, mais Abu Sufyan fine gagne ça information là ki bane musulmans pou arrête so caravane.

Alor li fine envoie ène dimoune pou alle Makkah pou donne la nouvelle ki Mohammad (saw) fine sorti personnellement pou capture so caravane.

Ainsi la caravane Abu Sufyan pas fine réussit être intercepté. Mais kan le messenger de Abu Sufyan arrive Makkah, li dire bane Quraïsh ki caravane Abu Sufyan fine fini intercepté par Mohammad (saw) et so bane compagnons et ki zot (bane Quraïsh), zot marchandise pou fini. Bane incroyants de Makkah fine bien en colère par ça nouvelle là. Tout de suite, ène grand l'armée fine mobilisé pou alle verger. L'armée là li fine être diriger par Abu Jahl.

## **LA BATAILLE DE BADR**

La nouvelle ki bane infidèles de Makkah pé vine attaque Madina, fine fané vite. Et ki Abu Jahl pé vine avec ène grand l'armée. Aussitôt ki le Prophète (saw) et so bane compagnons fine apprane ça, li fine conseille zot et donne zot l'ordre séki bizin faire. Bane Ansars et Muhajireen fine montrer ene solidarité et courage pour faire face à l'ennemie.

Le Prophète Mohammad (saw) et so bane compagnons fine sorti depuis Madina pou alle à la rencontre de bane Quraïsh de Makkah. L'armée du Prophète (saw) ti bien tiguite et bien mal équipé comparé avec ça grand l'armée de Makkah là. L'armée du Prophète (saw) ti éna entièrement confiance lor Allah et le nombre ki zot ti été pas ti tracas zot.

Les deux l'armée fine joindre à Badr. Première phrase de la guerre à ça l'époque là, ti ena ène duel entre bane soldats brave des deux coté. Dans ranger de bane Quraïsh, Utba Bin Rabia, Shaïba et Al Walid Bin Utbah fine sorti pou faire face à Ubaydah bin Harith, Hamza et Ali du côté de bane Mujahireen.

Dans ça trois duel là, Hamza fine touille Shaïba, Ali fine touille Walid et Ubaydah ti bien blessé mais Hamza fine vine la guerre avec Utbah et fine saute so li cou.

Ainsi plusieurs duels fine allé de deux coté et bane Quraïsh ti pé perdi beaucoup de zot bane brave soldats. Et finalement les deux l'armées fine commence la guerre. C'était le 17 Ramadhan dans 2<sup>ème</sup> l'année de Hijra.

Le nombre de Mujahireen ti été en peu plus ki trois cent. Quant à bane Quraïsh, le nombre ti trois fois plisse ki bane musulmans.

La plupart de bane musulmans pas ti bane soldats entraîner comparé avec ène l'armée bien entraîner de côté bane Quraïsh. Hazrat Mohammad (saw) fine implore l'aide Allah contre l'ennemi. Et Allah fine réponde tout suite à so requête. Bane anges fine participe dans la bataille de Badr à côté de bane musulmans. Bane Quraïsh fine perdi 49 soldats et ène quantité fine vine prisonniers de bane musulmans.

De côté bane musulmans ti ena 14 (huit Ansar et six Mujahireen) pertes. L'ennemi acharner de l'Islam, Abu Jahl fine être tuer dans la bataille de Badr. Ça défaite là ti ène coup dure pou bane Quraïsh. Zot ti éna beaucoup l'orgueil dans zot.

Dans ça même l'époque là, Ruqayyah, tifi du Prophète (saw) ki fine retourner dépi l'Abissinie, fine mort. Ruqayyah ti madame de Uthman bin Affan (ra).

Après la mort Ruqayyah, le Prophète (saw) ti offert so l'autre tifi, Umm Kulthum, en mariage à Uthman (ra).

Fatima la plus jeune fille du Prophète ti marié à Ali (ra). Hafsa, tifi Umar (ra), ti perdi so mari dans la bataille de Badr. Ensuite le Prophète (saw) ti marié à Hafsa.

## LA BATAILLE D'UHUD

Après la défaite à Badr, bane Quraïsh de Makkah ti oulé à tout prix pousse ène revenge. Zot pas ti capave digère ça défaite là.

Avec ène l'armée de 3000 guerriers, et quelques 15 madames aussi, marche vers Madina ; Hind, la femme de Abu Sufyan ti forme parti dans ça l'armée là. Après dix jours de marche, zot fine arrête dans la plaine de Uhud ki ti 5 miles dépi Madina. L'armée de bane musulmans ti contenir seulement 1,000 soldats.

Mais dans ça moment critique là Abd'Allah bin Ubbay, chef de bane Mounâfiqûn quitte l'armée musulmans et y compris ène nombres de so bane compagnons. Ainsi de 1000 soldats, l'armée musulmane réduire à 700. Dans ça bataille là, Hamza, Chacha Prophète (saw) ti fine être tuer par ène nommé Washin. Hind, la haine ki li ti éna à ça époque là pou bane musulmans fine faire li faire kitchose barbare. Li tire le foie de Hamza et mange li et ensuite jette li.

Bane musulmans ti fine perdi la bataille de Uhud. Certains Moujahid ki le Prophète (saw) ti ordonne zot pou reste dans certaine place mais malheureusement à ène certain moment zot fine quitte zot place. Khalid bin Walid, ki ti à ce moment là ène commandant malin de côté bane Quraïsh, profite de ça l'occasion là et attaque bane musulmans. Rumeurs circuler ki le Prophète (saw) fine mort. Mais tout suite ça fine être démentie. Malgré ça défait la, bane musulmans ti éna moral haute. Zot pas ti découragé.

## PERSECUTION BANE DA'I

Le Prophète (saw) ti pé envoie bane missionnaires (Da'i) pour propage l'islam. Mais beaucoup de ça bane missionnaires là fine gagne bane la mort atroce en route pou faire ça travail Dawa là. 70 missionnaires assassiné par tribu Amir et Banu Sulaym dans le mois de Safar à Bir Mauna.

La force de bane opposants à l'islam fine unir. Bane Juifs, hypocrites et idolâtres fine joindre zot la force pou faire du tort à l'islam.

## LA BATAILLE DU TRANCHÉ

Bane l'ennemi de l'islam revine pou attaque Madina. Salman, ène Persien (de la Perse), conseille le Prophète (saw) pou fouille tranché autour Madina. Nuits et jours bane musulmans fine mette zot au travail. Le Prophète (saw) aussi ti à côté de zot. Mais à peine fini fouille trancher, ène l'armée de 24,000 soldats (tout bane l'ennemi de l'islam) encercler Madina. A plusieurs reprises zot essaye pou attaqué mais zot pas réussi. Chaque jour ki passé zot décourager.

Et à ça même moment là, ène du vent terrible battre lor l'armée de bane l'ennemi. Zot paniqué. Fine commence éna dissension parmi zot. Le temps ti pé vine de plus en plus pas bon. Dans ène tel situation, bane l'ennemie de l'islam fine être obligé pou retourne à Makkah.

## CONCLUSION

Coumsa même avec la confiance ki Hazrat Mohammad (saw) et so bane disciples fidèles fine éna lor Allah, et lor bane révélations divines, Allah fine toujours à zot côté.

Allah fine honore le Prophète Mohammad (saw) dans ène telle façon ki jamais aucaine dimoune ou aucaine prophète pas fine être honoré à ène telle stage pareil ; et aussi so bane disciples.

So l'enfance fine passe sous la surveillance et la faveur d'Allah, malgré ki li ti ène orphelin et ène Ummi (illétré). C'est Allah même ki fine faire so l'éducation. Jamais nous pas pou capave fini cause lor so la vie et so caractère exceptionnelle ki li ti éna.

Même si tout la mer ti l'encre, la terre et léciel ti papier, et tout bane pié ti plumes, zot tous ti pou fini, mais là aussi nous pas ti pou termine cause lor so la vie.

Ki Allah aide nous pour mette en pratique so bane l'enseignements et cultive en nous so bane caractères. *Amîn.*

**Louanges à Allah, et la Paix et la Bénédiction d'Allah lor Hazrat Mohammad (saw)**  
***Bénédiction de ça l'Univers là !***